



Repubulika y'u Rwanda

ICYEREKEZO 2050

KUBAKA U RWANDA TWIFUZA

Inyandiko Ihinnye

ICYEREKEZO 2050

Inyandiko Ihinnye

IBIRIMO

Icyerekezo 2050 4

Amavu n'amavuko y'Icyerekezo 2050 5

1. Intangiriro 5
 2. Urugendo rw'iterambere ry'u Rwanda 5
 3. Itegurwa ry'Icyerekezo 2050 6
-

U Rwanda Twifuzwa: Ubukire n'Ubuzima buzira umuze ku Banyarwanda bose 8

1. Iterambere ry'Ubukungu n'Ubukire 8
 2. Imibereho myiza n'ubuzima buzira umuze ku Banyarwanda bose 8
-

Inkingi z'Icyerekezo 2050 10

1. Iterambere mu bushobozi n'imibereho myiza by'abaturage 10
 2. Ubushobozi bwo kurushanwa mu ruhando mpuzamahanga no kwishyira hamwe n'ibindi bihugu 11
 3. Ubuhinzi bubyara ubukire 12
 4. Iterambere ry'imijyi n'imiturire igezweho 12
 5. Inzego za Leta zishoboye kandi zikora neza ibyo zishinzwe 13
-

Iby'ingenzi bizitabwabo kugira ngo intego z'iki Cyerekezo zigerweho 14

1. Urwego rw'ubukungu butajegajega mu gihe kirambye 14
 2. Indangagaciro zigamije guteza imbere Umuryango Nyarwanda 15
 3. Uburyo buhamye bwo gukurikirana no gushyira mu bikorwa Icyerekezo 2050 16
-

Umwanzuro 18

Ibipimo by'Icyerekezo 2050 20



ICYEREKEZO 2050

“Nti turi Igihugu gishimishwa n’ibintu uko biri, nta n’ubwo turi abantu bashimishwa gusa n’aho bageze.

Icyerekezo 2020 cyari icyo gukora ibyari bikenewe kugira ngo dushobore kubaho, kandi twisubize agaciro. Ariko icyerekezo 2050 kigomba kuba icyo kwihitiramo ejo hazaza, kuko ubu tubishoboye kandi ni byo dukwiye.

Abanyarwanda ntibakwiye kunyurwa n’umushahara cyangwa umusaruro ubaha indamu y’umunsi ku munsi. Ntibazishimira kutihaza, ngo bigire muri byose, mu bukungu, amafaranga n’ibindi.

Barashaka kuba hafi y’imiryango yabo, bakareba abo bakunda bakura, bagakira. Barifuriza abana babo uburezi bwo ku rwego rwo hejuru hano iwacu mu Gihugu.

Bifuzwa kugenda henshi ku isi, nta nzitizi, bagiyeye gutara ubwenge, no kureba uko abandi bakora. Hanyuma bakagaruka mu Rwanda, kuko ntahandi bifuzwa kuba haruta iwacu.

Ibi rero, niba twumva ko ari byo, turi hamwe. Ariko ibyo bivuze ko atari umuntu umwe wenyine; ahubwo ni twese, dufatanyije”.

AMAVU N'AMAVUKO Y'ICYEREKEZO 2050

1. Intangiriro

Icyerekezo cy'u Rwanda 2050 gikubiyemo ingamba z'igihe kirambye z'icyerekezo cy' **"u Rwanda twifuza"** kimwe n'uburyo bwo kugera kuri iyo ntego. U Rwanda rwubakiye ku byagezweho mu myaka 20 ishize nubwo atari byose byagezweho nk'uko byifuzwaga, mu kugabanya ubukene, kongera umusaruro w'ibyo Abaturarwanda bakora, kuzamura imibereho y'abaturage, guteza imbere imiyoborere myiza, kwishakamo ibisubizo bishingiye ku mucu Nyarwanda, kuba igihugu kigendera kandi cyubahiriza amategeko, guteza imbere uburinganire bw'abagabo n'abagore no kongerera abagore ubushobozi no kubungabunga amahoro n'umutekano. U Rwanda rufite intego yo guhindura ubukungu bwarwo no guteza imbere imibereho y'Abanyarwanda bose.

Abanyarwanda bazi neza ko kugera ku ntego z'Icyerekezo 2050 bitoroshye ariko bishoboka. Ibi bizasaba imbaraga zidasanzwe no gufata ibyemezo bikomeye. Icyerekezo 2050 ni inyandiko shingiro y'igenamigambi na Politiki biyobora ibikorwa by'abafite uruhare mu iterambere ry'u Rwanda bose harimo inzego za Leta, abikorera, Abaturarwanda, Abanyarwanda baba mu mahanga, sosiyete sivili, imiryango ishamikiye ku madini n'amatorero, abafatanyabikorwa mu iterambere, za kaminuza n'ibigo by'ubushakashatsi, ndetse n'amashyamba n'imitwe ya politiki.

2. Urugendo rw'iterambere ry'u Rwanda

U Rwanda rwateye intambwe nyinshi mu rwego rw'iterambere nyuma ya Jenoside yakorewe Abatutsi mu 1994, hakorwa ibikorwa byibandaga cyane cyane ku gusana ibyari byaseniyutse. Mu ntangiriro z'umwaka w'2000 hateguwe icyerekezo 2020 cyatangaga ishusho y'uko u Rwanda rushya rwari rukataje rugana ku byo rwifuzaga kugeraho mu iterambere mu rwego rw'ubukungu. Igihe cya nyuma ya 2010 cyibandaga ku bikorwa byo kubaka umusingi w'iterambere rirambye hakorwa ishoramari mu bijyanye no kongera ubushobozi bw'abantu, guteza imbere ibikorwa remezo by'ibanze no kwagura uburyo bwo gutanga serivisi zinyuranye hamwe n'ibikorwa bigenewe abaturage.

Icyiciro gikurikiraho cy'iterambere ry'u Rwanda kizibanda ku kuzana impinduka mu rwego rwo guteza imbere ubukungu n'imibereho y'abaturage muri rusange. Ni ngombwa gukomeza urugendo rwo kwigira binyuze mu bikorwa byo kuzamura ubukungu no kuzana impinduka bigizwemo uruhare runini n'urwego rw'abikorera.

Mu myaka 30 iri imbere, igihugu kizibanda ku ishoramari rirambye mu bikorwa bigaragara ko bizana inyungu kuruta ibindi birimo: kongera ubushobozi bw'abaturage, kongera ubushobozi bwo guhanga ibishya no mu rwego rw'ikoranabuhanga, kuzamura iterambere ry'imijyi rihuza imibereho myiza y'abaturage n'ubukungu no kugira inzego z'imiyoborere zuzuza neza inshingano zazo.

Igihugu kizashingira ku mahirwe gifite ashingiye ku ngufu z'abaturage bacyo biganjemo urubyiruko, ubutaka bwera buberanye n'ubuhinzi, umutungo kamere kimwe n'ibikorwa remezo bimaze gushyirwaho mu isakazamakuru n'ikoranabuhanga mu itumanaho.

3. Itegurwa ry'Icyerekezo 2050

Icyerekezo 2050 cyasabwe n'**Inama ya 13 y'Igihugu y'Umushyikirano** yabaye mu 2015. Guhera icyo gihe, habayeho ibikorwa byinshi byo kungurana ibitekerezo n'abafatanyabikorwa n'uruhare rw'Abaturage kubyo Abanyarwanda bifuzaga kugeraho mu 2050.

Abafatanyabikorwa batanze ibitekerezo barimo: urubyiruko n'abagore, urwego rw'abikorera, abafatanyabikorwa mu iterambere, amashyamba n'imitwe ya politiki, sosiyete sivili, imiryango ishamikiye ku madini n'amatorero, za kaminuza n'ibigo by'ubushakashatsi, abantu bafite ubumuga n'abandi.

Icyerekezo 2050 cyerekana inzira n'itegeho z'iterambere rizagerwaho hagati ya 2020 na 2050, hakazakorwa isuzuma ry'ibyagezweho icyerekezo kigeze hagati mu 2035. Hazajya kandi hakorwa isuzuma ry'ibyakozwe buri myaka 5. Iki Cyerekezo gishimangira ibyo Igihugu cyifuzaga kugeraho kikanashimangira ubushake bwo kubasha kwigira no kurushanwa n'abandi.



Itegurwa ry'Icyerekezo 2050 ryashingiye kuri gahunda n'ingamba z'iterambere ziteganyijwe ku rwego rw'isi n'urw'Akarere u Rwanda ruherereyemo hagamijwe guhuza intego n'ibipimo bikubiye muri izo gahunda. Muri izo gahunda harimo: Intego z'Iterambere Rirambye (SDGs), Icyerekezo 2063 cy'Umuryango w'Ubumwe bw'Afurika, Icyerekezo 2050 cy'Umuryango wa Afurika y'Iburasirazuba, n'Amasezerano y'i Parisi ku byerekeye imihindagurikire y'ikirere, n'izindi.



U RWANDA TWIFUZA: UBUKIRE N'UBUZIMA BUZIRA UMUZE KU BANYARWANDA BOSE

U Rwanda, mu Cyerekezo 2050, rugamije by'umwihariko kugera ku ntego zikurikira:

1. Iterambere ry'Ubukungu n'Ubukire

Intego u Rwanda rufite ni ukuba igihugu gifite ubukungu buteye imbere ku rugero ruringaniye (Upper Middle Income Country) mu 2035 no kuba igihugu gifite ubukungu buteye imbere cyane (High Income Country) mu 2050.

Ibi bisobanuye ko igihugu kigomba kugera ku ntego zikurikira mu rwego rw'ubukungu:

- Mu 2035: Umusaruro mbumbe w'imbere mu gihugu ubariwe ku muturage uzaba urenze Amadolari y'Amerika 4,036; naho
- Mu 2050: Umusaruro mbumbe w'imbere mu gihugu ubariwe ku muturage uzaba urenze Amadolari y'Amerika 12,476

2. Imibereho myiza n'ubuzima buzira umuze ku Banyarwanda bose

- Intego ni ukugera ku mibereho myiza ku Banyarwanda bose. Kugira ngo bigerweho, u Rwanda ruzakomereza aho rwari rugeze mu cyerekezo 2020. Ruzashingira kubyo rwabashije kugeraho mu rwego rwo kurwanya ubukene muri iyi myaka 20 ishize aho kuva mu 1994 umubare w'abaturage bakennye wavuye kuri 78% ukagera kuri 38% mu 2017, rukaba rufta intego yo kurandura ubukene burundu.
- Kugera ku ntego y'imibereho myiza ku Banyarwanda bose bisobanura ko abantu b'ingeri zose bagira amahirwe asesuye yo kugira uruhare mu iterambere ry'igihugu harimo ibikorwa byo kubongerera ubushobozi bwo kwiteza imbere no kugeza kuri bese ibikorwa remezo by'imyidagaduro, ndetse n'umutekano kuri bese.
- Abaturage bese, urubuyiruko, abagore n'abagabo bagomba kugira uruhare mu iterambere rirambye kandi nti hagire n'umwe usigara inyuma atabonye ku nyungu zikomoka kuri iryo terambere.

- icyerekezo 2050 gishingiye ku cyifuzo cy'Abanyarwanda cyo kuraga abana babo igihugu cyiza bakwishimira kubamo.
- Kubera iyo mpamvu, izamuka ry'ubukungu n'iterambere rizajyana n'inzira y'imikoreshereze n'imirungire y'umutungo kamere mu buryo burambye hubakwa ubushobozi bwo guhangana n'ingaruka z'imihindagurikire y'ikirere.
- Imibereho myiza Abanyarwanda bagomba kugira izashingira ku bwiza bw'ibidukikije; byaba ibidukikije kamere cyangwa ibyo abantu bagiramo uruhare.
- Kwita ku bidukikije bizakomeza guhabwa umwanya mu Ngamba z'igihugu z'igihe kirambye zigamije Kugabanya ibyuka bihumanya ikirere no Guhangana n'Imihindagurikire y'ikirere (Green Growth and Climate Resilient Strategy); izo ngamba zikaba zigamije kunoza uburyo bw'imikorere hagamijwe impinduka ziganisha ku kugira ubukungu bushingiye ku igabanuka ry'ibyuka bihumanya ikirere, kandi budahungabanywa n'imihindagurikire y'ikirere.
- Imikoreshereze myiza y'ubutaka mu nzego zose izagenda ku Gishushanyo Mbonera cy'Igihugu ku Mikoreshereze y'Ubutaka (2020-2050).

1. Iterambere mu bushobozi n'imibereho myiza by'abaturage

Mu ntego z'iyi nkingi harimo kugera ku iterambere rirambye mu rwego rw'ubukungu, bishingiye ku miterere n'ubushobozi by'abaturage biteganyijwe.

- Byitezwe ko mu 2050, umubare w'abaturage bazaba bagize igice cy'abashobora gukora uzazamuka ukava kuri 61% mu 2017 (NISR) ukagera kuri 65.7% mu 2050.
- Kubyaza umusaruro wo mu rwego rw'ubukungu bishingiye ku miterere n'ubushobozi by'abaturage bizagerwaho ari uko igabanuka ry'abana bavuka ku mubyeyi umwe (fertility rate) **riherekejwe n'ishoramari rikwiye mu bijyanye no kuzamura ubushobozi bw'abaturage ndetse n'amavugurura yo mu rwego rw'ubukungu atuma igihugu kibasha kugira abaturage bafite ubuzima buzira umuze, bize neza, bafite ubumenyi n'ubushobozi bwo gukora imirimo ibyara inyungu.**

Intego zihariye zikubiye muri iyi nkingi:

- Ubuzima buzira umuze kuri bose
- Uburezi bufite ireme kuri bose
- Kongera ubushobozi bw'abakozi hagamijwe kuzamura umusaruro batanga

2. Ubushobozi bwo kurushanwa mu ruhando mpuzamahanga no kwishyira hamwe n'ibindi bihugu

Intego y'u Rwanda yo guhinduka igihugu giteye imbere izashingira ku izamuka ry'ubushobozi bwo kurushanwa n'abandi haba ku rwego rw'igihugu no ku rwego rw'amasosiyete y'abikorera.

U Rwanda rufite intego yo kuzaba ruri:

- Mu bihugu 10 bya mbere birusha ibindi korohereza ishoramari mu 2035 kandi rukaguma mu mwanya.
- Mu bihugu 20 bya mbere bifite ubukungu buhagaze neza kurusha ibindi mu 2035 no mu bihugu 10 bya mbere ku isi bikora neza mu rwego rw'ubukungu mu 2050.

Intego zihariye zikubiye muri iyi nkingi:

- Ubukungu bunyuranye bushingiye ku iterambere ry'inganda
- Guteza imbere inganda hagamijwe kugira u Rwanda igicumbi cy'ibikenerwa mu rwego rw' akarere ruherereyemo
- Serivisi zigezweho no guhanga ibishya bizana impinduka mu iterambere ry'ubukungu
- Serivisi zishingiye k'ubumenyi bwihariye zikenerwa mu mahanga
- Ubukerarugendo burambye bwo ku rwego rwo hejuru
- Serivisi z'imari kuri bose
- Kuzamura ubushobozi bwo kurushanwa n'imikoranire n'ibindi bihugu mu rwego rw'ubucuruzi
- Ubukungu bushingiye ku bumenyi binyuze mu,
 - » Guharanira ubudashyikirwa mu bushakashatsi bugamije guhanga ibishya (R&D)
 - » Gukomeza kuba igicumbi cy'igeragezwa ry'ibishya mu rwego rwo guteza imbere ubushakashatsi mu guhanga ibishya byo muri iki gihe n'ibyo mu gihe kizaza
 - » Kuba igihugu gifite ubukungu bushingiye ku ikoranabuhanga n'amakuru
 - » Kugira uburezi butegura ejo hazaza

3. Ubuhinzi bubyara ubukire

Mu ntego z'iyi nkingi harimo kugera ku iterambere ry'urwego rw'ubuhinzi bigizwemo uruhare n'abahinzi babigize umwuga, barimo abagore n'abagabo, bazaba bakora ubuhinzi bujyanye n'uruhererekane nyongeragaciro rw'ibikorwa by'inganda n'ubucuruzi.

Intego zihariye zikubiye muri iyi nkingi:

- Ubuhinzi bugezweho bugamije isoko kandi bushobora guhangana n'imihindagurikire y'ibihe n'ikirere
- Kunoza imikoreshereze y'inyongeramusaruro n'ikoranabuhanga rigezweho hagamijwe kongera umusaruro
- Kunoza no koroshya uburyo bwo kubona imari n'ubwishingizi mu rwego rw'ubuhinzi
- Kwinjiza ibicuruzwa bifite agaciro gahanitse mu ruhererekane nyongeragaciro rwo ku rwego rw'isi

4. Iterambere ry'imijyi n'imiturire igezweho

Iterambere ry'imijyi nka kimwe mu bigira uruhare runini mu iterambere ry'igihugu, intego ni uko mu 2050 Abaturarwanda barenga 70% bazaba batuye mu mijyi.

- Mu 2050, u Rwanda ruzaba rufite imiturire igezweho kandi igera ku byiciro byose by'abaturage.
- Ni muri urwo rwego hazashyirwaho uburyo bwo kumenya no guhuriza hamwe imbaraga mu bikorwa by'ingenzi bituma abantu batura neza no kongera inyungu zo mu rwego rw'ubukungu n'imibereho myiza zijyana n'iterambere ry'imijyi.
- Usibye iterambere mu miturire riteganyijwe mu mujyi wa Kigali no mu mijyi itandatu iwunganira, iterambere ry'imijyi kandi rizazamurwa cyane cyane no gukura kw'imijyi mito n'insisiro bisanzweho binyuze mu ishoramari riri ku rwego rwo hejuru rigamije guteza imbere iyo mijyi; nk'irikorwa mu karere ka Bugesera.

- Imidugudu yo mu cyaro izatera imbere abantu bature mu buryo bwiza bafite ibikorwa remezo by'ibanze na serivisi hafi. Umubare w'ingo zo mu cyaro zituye ahantu hamwe hateguwe uzazamuka uve kuri 67.2% (EICV5 2016/17) ugere kuri 80% mu 2024 no ku 100% mu 2035, bikomeze gusigasirwa na nyuma yaho.

Intego zihariye zikubiye muri iyi nkingi:

- Serivisi nziza n'ibikorwa remezo byiza kuri bose
- Inzu zo guturamo zihendutse kandi zijyanye n'igihe kuri bose
- Koroshya urujya n'uruza rw'abantu no kurushaho kunoza ubwikorezi
- Iterambere rirambye ry'imijyi ishingiyeye ku ikoranabuhanga kandi ibungabunga ibidukikije
- Gutanga no gukoresha ingufu z'amashyamba mu buryo burambye

5. Inzego za Leta zishoboye kandi zikora neza ibyo zishinzwe

Mu ntego z'iyi nkingi harimo gusigasira ibyagezweho no gukomeza amavugurura agamije guhoza umuturage ku isonga, bizashingira ku guhanga ibishya bivuye mu baturarwanda.

Imiyoborere n'inzego zikora neza ni ingenzi mu kwihutisha iterambere u Rwanda rutegereje mu rwego rw'ubukungu n'imibereho myiza y'abaturage. Kugira ngo igihugu kibashe kugera ku ntego z'icyerekezo 2050, Inzego n'imiyoborere byacyo bizakomeza kubakwa mu buryo bujyanye n'igihe, inzego za Leta zirusheho gukora neza inshingano zazo; byose bikajyana no kuba igihugu kigendera kandi cyubahiriza amategeko.

Intego zihariye zikubiye muri iyi nkingi:

- Inzego zikora neza kandi zibazwa uko zirangiza inshingano zazo hagamijwe kwihutisha iterambere ry'ubukungu n'imibereho myiza
- Kwimakaza gahunda yo kwegera abaturage inzego na serivisi zinoze
- Igihugu kigendera ku mategeko n'ubutabera kuri bose

IBY'INGENZI BIZITABWABO KUGIRA NGO INTEGO Z'IKI CYEREKEZO ZIGERWEHO

- Kugira ngo icyerekezo 2050 kizagere ku ntego, hari iby'ibanze bigomba kwitabwaho mu kwihutisha iterambere n'izamuka ry'ubukungu
 - » Kugena ibyihutirwa kurusha ibindi
 - » Kuzamura uruhare rw'abikorera
 - » Gushimangira gahunda yo kwihuza n'ibindi bihugu byo mu karere u Rwanda ruherereyemo
 - » Gukora mu buryo busanzwe: "Gukora mu buryo busanzwe" ntibihagije kugira ngo intego z'icyerekezo 2050 zizagerweho
- Kugera kuri izi ntego bizasaba gukora cyane. Ibyangombwa bikenewe kugira ngo intego z'icyerekezo 2050 zizagerweho bikubiye mu bintu bitatu bikurikira:
 - » Urwego rw'ubukungu butajegajega mu gihe kirambye
 - » Indangagaciro zigamije guteza imbere Umuryango Nyarwanda
 - » Uburyo buhamye bwo gukurikirana no gushyira mu bikorwa icyerekezo 2050

1. Urwego rw'ubukungu butajegajega mu gihe kirambye

- Intego y'u Rwanda mu Cyerekezo 2050, ni ukuba igihugu gifite ubukungu buteye imbere ku rugero ruringaniye mu 2035 no kuba igihugu gifite ubukungu buteye imbere cyane mu 2050.
- Kugira ngo izi ntego zibashe kugerwaho, hashingiwe ku bwiyongere bw'abaturage n'ihindagurika ry'agaciro k'ifaranga ry'u Rwanda ugereranyije n'amanyamahanga, impuzandengo y'izamuka ry'ubukungu (ibariswa ku musaruro mbumbe w'imbere mu gihugu, GDP) igomba kuba nibura ku kigero cya 12% hagati ya 2018 na 2035, na 10% hagati ya 2036 na 2050.

Kugira ngo u Rwanda rubashe kugera kuri iyi ntego, rugomba kwita kuri ibi bikurikira:

- ◇ Koroshya no gushyigikira ishoramari ry'abikorera riteye imbere
- ◇ Kuzamura ubwizigame bw'abikorera b'imbere mu gihugu n'ishoramari rituruka mu mahanga (iry'abikorera n'inguzanyo)
- ◇ Kuzamura ishoramari rya Leta rizashingira ku igabanuka ryoroheje ry'amafaranga akoreshwa mu ngengo y'imari isanzwe (uretse igenewe uburezi, ubuzima, n'imibereho myiza y'abaturage)
- ◇ Guteza imbere ubuzima, ubumenyi n'ubushobozi bw'abantu (Human capital), binyuze mu burezi n'inyungu nyinshi zikomoka ku musaruro bijyanye.

2. Indangagaciro zigamije guteza imbere Umuryango Nyarwanda

- Nyuma ya Jenocide yakorewe Abatutsi mu 1994, icyo u Rwanda rwahereyeho ni ukongera kubaka inzego no gucunga umutekano w'Abanyarwanda bose. N'ubwo ibintu byose byihutirwaga, u Rwanda rwahisemo ibintu bitatu ari byo: **Kuba umwe, gukora neza inshingano no kureba kure**; ari nabyo bishimangira uburyo budasanzwe bwo gukora¹.
- U Rwanda rufata umuco n'indangagaciro byarwo nk'umusingi ruzubakiraho mu kugera ku iterambere ry'imibereho myiza n'ubukungu by'abaturage mu buryo burambye.
- U Rwanda ruzakomeza kwimakaza indangagaciro rusange zarwo. Izo ndangagaciro zizakomeza kubakirwaho zinasigasirwe kugira ngo zibe umusemburo wo kugera ku ntego z'Icyerekezo 2050.

Intego n'indangagaciro zihuriweho zizaranga Abanyarwanda mu Cyerekezo 2050 zirimo:

- » Kwiha intego zigamije Kwigira kw'Igihugu, gukorera hamwe no kwihesha Agaciro
- » Ubumwe n'ubwiyunge ndetse n'umuco w'Abanyarwanda
- » Uburinganire bw'abagore n'abagabo n'iterambere ridaheza
- » Imiyoborere ishyira umuturage ku isonga

¹Jambo rya Nyakubahwa Paul Kagame, Perezida wa Repubilika y'u Rwanda ku Munsi wo Kwibuka Jenocide yakorewe Abatutsi, Mata 2014


- » Ibisubizo u Rwanda rwishatsemo bishingiye ku muco Nyarwanda birimo: Gahunda ya Girinka n'iy'Ubudehe, Imihigo, Umuganda, Abajyanama b'Ubuzima (CHWs), Gahunda y'Ubwisungane mu Kwivuzza (**Mutuelle de Santé**), Inkiko Gacaca, Inama y'Igihugu y'Umushyikirano, Urwego rw'Abunzi ndetse n'Urutanga Ubufasha mu by'Amategeko mu nzego z'ibanze.

Izi gahunda n'ibindi bisubizo u Rwanda rwishatsemo bizakomeza kuba umusingi w'iterambere ry'u Rwanda mu nzego z'ubukungu n'imibereho myiza.

3. Uburyo buhamye bwo gukurikirana no gushyira mu bikorwa icyerekezo 2050

- Icyerekezo 2050 kigabanyijemo ibice bibiri, icya mbere gihera mu 2020 kikagera mu 2035 n'icya kabiri gihera mu 2036 kikagera mu 2050; kandi buri gice kizajya gikorera isuzuma kigeze hagati kugira ngo imigambi yateganyijwe ibashe kongera guhuzwa n'intego z'icyerekezo mu gihe bibaye ngombwa.
- Hazashyirwaho uburyo buhoraho bwo gusuzuma ibyagezweho no kubihuza n'icyerekezo; bikazajyana n'uko iterambere ry'u Rwanda rizajya rigenda rihinduka.
- Ishyirwa mu bikorwa ry'icyerekezo 2050 rizakorwa binyuze mu ngamba z'iterambere z'igihe giciriritse uherye ku cyikiro cya mbere cya Gahunda ya Guverinoma y'imyaka irindwi yo kwihutisha iterambere (NST 1) ihuza icyerekezo 2020 n'icyerekezo 2050. icyiciro cya mbere cya NST (2017-2024) gishyiraho umusingi wo kugera ku Cyerekezo 2050 mu myaka ibanza yacyo.
- Igenamigambi n'ishyirwa mu bikorwa ry'icyerekezo 2050 bizayoborwa n'inzego z'igenamigambi n'iz'ishyirwa mu bikorwa rya Gahunda n'Ingamba zisanzeho ku rwego rw'Igihugu, Inzego z'iterambere zitandukanye, n'Iz'Uturere (**Reba Ishusho ya 1**).

Ishusho ya 1: Uburyo bw'Igenamigambi ry'Iterambere ry'Icyerekezo 2050



UMWANZURO

- Hashingiwe ku ntambwe ishimishije u Rwanda rwateye mu nzego zitandukanye, ku ntego z'ubuyobozi bwiza no kuba u Rwanda rutera imbere mu bukungu mu buryo bugaragara, icyerekezo 2050 gitanga ishusho ihamye y'ejo hazaza heza h'u Rwanda.
- Intego zihanitse u Rwanda rwihaye mu rwego rw'ubukungu zizagerwaho ari uko habayeho impinduka mu miterere y'inzego z'ubukungu bw'igihugu (Ubihinzi, Inganda na Serivisi).
- Intego u Rwanda rwihaye zijyanye n'amahirwe ahari mu gihe giciriritse yo kongera imirimo mu nzego z'inganda na serivisi, hagamijwe kwagura ubuhahirane mu rwego rw'akarere u Rwanda ruherereyemo no mu rwego mpuzamahanga ndetse n'iterambere rishingiye ku miterere n'ubushobozi by'abaturage.
- Mu itegurwa ry'icyerekezo 2050 hatekerejwe ku mbogamizi n'amahirwe bishobora kuzagaragara mu gihe cy'ishyirwa mu bikorwa ryacyo.
- U Rwanda rwihaye intego yo kuzamura ubukungu bw'umuturage n'imibereho myiza ye. U Rwanda rurashaka kuba igihugu kigendana n'ibigezweho, gihanga ibishya, gitanga amahirwe angana, gishyira imbere gukora neza inshingano, gitanga ibikorwa remezo rusange byose, birimo nk'amazi meza, koroshya gutwara abantu n'ibintu, gitanga serivisi nziza z'ubuzima, uburezi, kimwe n'amahirwe yo kubona akazi angana ku Banyarwanda bose.
- Uburezi mu mashuri yo mu Rwanda buzibanda ku kubaka ubushobozi bukenewe ku isoko ry'umurimo, by'umwihariko mu nganda na serivisi bigezweho bizagira uruhare runini mu bukungu bw'u Rwanda. Izi ntego zizashingira ku musingi w'urwego rw'ubukungu butajegajega n'inzego zikora neza bishyigikiwe n'indangagaciro ndetse no kubyaza umusaruro ibisubizo u Rwanda rwishakamo.
- Ubuyobozi bw'u Rwanda kimwe n'Abaturage barwo bazi neza ko kugera ku ntego z'icyerekezo 2050 bitoroshye ariko bishoboka. Ibi bizasaba imbaraga zidasanzwe; kuzamura umusaruro ku rwego rwo hejuru, guhitamo no gushyira mu bikorwa mu buryo bwihuse ishoramari rya ngombwa, no kuzamura urwego rw'imyumvire izafasha kugera kuri izo ntego.

- Ku rwego mpuzamahanga, hari ibihugu byabashije kugera ku muvuduko munini w'izamuka ry'ubukungu mu gihe kirambye, ari byo byagaragaye ko bikenewe kugira ngo intego z'iki Cyerekezo zigerweho.
- U Rwanda rwiyejeje gukomeza gukora mu buryo bw'ubudasa rwiha intego zo ku rwego rwo hejuru binyuze mu Cyerekezo 2050. Abanyarwanda bariho uyu muni n'abazabaho mu bihe bizaza bafite ishyaka, umurava ndetse n'ubushake bwo gushyira hamwe bikenewe mu kugera ku ntego z'icyerekezo 2050 zigamije impinduka zo ku rwego rwo hejuru, mu iterambere ry'ubukungu n'imibereho myiza y'abaturage bose mu gihe cy'iki Cyerekezo.

IBIPIMO BY'ICYEREKEZO 2050

Ikigamijwe mu Cyerekezo 2050	Numero	Igipimo	Aho bigeze (mu 2020)	Intego y'icyerekezo mu 2035	Intego y'icyerekezo mu 2050
Imibereho myiza y'Abaturage	1	Icyizere cyo kubaho (Imyaka)	67.8	71.7	73
	2	Ubwiyongere bw'abaturage (Ijanisha)	2.5 (2019)	1.7	1.4
	3	Uburumbuke bw'abaturage (Umubare w'abana ku mugore)	4	3	2
Izamuka ry'Ubukungu ryihuta kandi ridaheza	4	Umusaruro w'ubukungu (Ubarirwa k'umuturage, mu Madolari y'Amerika)	837 (2019)	4,036	12,476
	5	Ubusumbane mu bukungu (igipimo cy'ibyo abaturage binjiza)	0.43 (2017)	0.35	0.3
Guhanga imirimo ibyara inyungu	6	Ikigeraranyo cy'ubushomeri mu baturage (Ijanisha)	15.2 (2019)	7	5
	7	Umubare w'abagabo ugereranyije n'uw'abagore bafite akazi	Abagabo: Abagore 1.8:1	Abagabo: Abagore 1.5:1	Abagabo: Abagore 1:1
Iterambere mu bushobozi n'imibereho myiza by'abaturage					
Serivisi z'ubuzima zifite ireme, zihendutse kandi zirimo n'izisaba ubuhanga bwihariye	8	Umubare w'abagore bapfa babyara (Ku bagore 100,000 babyara abana bazima)	203	<50	<20
	9	Umubare w'abana bapfa batarageza umwaka (Ku bana 1,000 bavuka ari bazima)	33	<25	<18
	10	Umubare w'abana bapfa bataruzuzwa imyaka 5 (ku bana 1,000 bavuka ari bazima)	45	33	24
	11	Umubare w'abana bagwingira (ijanisha ku bana bari muni y'imyaka 5)	33	5.5	3

Ikigamijwe mu Cyerekezo 2050	Numero	Igipimo	Aho bigeze (mu 2020)	Intego y'Icyerekezo mu 2035	Intego y'Icyerekezo mu 2050
Ubuzezi bufite ireme kuri bose	12	Abana bagana amashuri y'incuke (Ijanisha)	24.6 (2019)	99	99
	13	Abanyeshuri bafite ubumenyi bw'ibanze mu gusoma, kwandika no kubara barangije icyiciro cya mbere cy'amashuri yisumbuye (Ijanisha)	Kubara Igiteranyo: 78.8 Abagabo: 81.8 Abagore: 75.9 Gusoma no kwandika Igiteranyo: 71.3 Abagabo: 77.6 Abagore: 65.3 (2017)	99	99
	14	Abana barangiza amashuri abanza bakomeza mu cyiciro cya mbere cy'ayisumbuye (Ijanisha)	72.2 (2019)	94.3	97
	15	Abanyeshuri bakomeza amashuri y'imyuga n'ubumenyingiro ugereranyije n'abanyeshuri bose bari mu burezi bw'ibanze (Ijanisha)	33.6 (2019)	60	60
	16	Impuzandengo y'imyaka umuntu amara mu mashuri (Imyaka)	4.4	6.9	10.9
	17	Abanyeshuri barangiza amashuri bize amasomo ajyanye n' Ubumenyi, Ikoranabuhanga, Ubuwenjeniyeri, n'imibare (Ijanisha)	Igiteranyo: 36.9 Abagabo: 42.6 Abagore: 29.9	44.26	50
	18	Urubwiruko rwarangije kaminuza rufite akazi ugereranyije n'abaturage bose bari mu cyiciro cy'abashoboye gukora (Ijanisha)	Igiteranyo: 56.8 Abagabo: 59.0 Abagore: 54.5	77.48	80.18
	19	Ikigero cy'ingengo y'imari ituruka imbere mu gihugu ishorwa mu bushakashatsi bugamije guhanga ibishya (Ijanisha ku musaruro mbumbe w'imbere mu gihugu)	0.66 (2016)	1.5	3.0

Ikigamijwe mu Cyerekezo 2050	Numero	Igipimo	Aho bigeze (mu 2020)	Intego y'icyerekezo mu 2035	Intego y'icyerekezo mu 2050
	20	Abakozi bo muri za kaminuza n'amashuri makuru bakora ubushakashatsi mu biyanye n'iterambere ry'ubukungu n'imibereho myiza y'abaturage kandi bagatangaza ibyavuye mu ubushakashatsi bwabo (Ijanisha)	Igiteranyo: 23.0 Abagabo: 22.0 Abagore: 26.7	38.3	52.0%
Kurengera abatishoboye no gufasha abakene	21	Abaturage bafite ubwishingizi bwo kwivuza (Ijanisha)	91	>95	100
	22	Abaturage bakennye n'abatishoboye bafashwa muri gahunda bagenerwa (Ijanisha)	6.5 (2017/18)	20	50
	23	Abaturage bari muri gahunda z'ubwitwaganyirize (Ijanisha ku baturage bose)	8.70	30	50
Ubufashyashyamba mu kurushanwa mu ruhando mpuzamahanga no kwishyira hamwe n'ibindi bihugu					
Ubukungu bunyuranye bushingiye ku iterambere ry'inganda	24	Uruhare rw'inganda ku musaruro mbumbe w'imbere mu gihugu (Ijanisha)	19 (2019)	24	33
Serivisi zigezweho no guhanga ibishya bizana impinduka mu iterambere ry'ubukungu	25	Uruhare rwa serivisi ku musaruro mbumbe w'imbere mu gihugu (Ijanisha)	49 (2019)	46	42
Izamuka ry'ishoramari	26	Uruhare rw'ishoramari ku musaruro mbumbe w'imbere mu gihugu (Ijanisha)	26 (2019)	32.6	35.1
	27	Ingano y'ibyuka bihumanya byoherezwa mu kirere bivuye mu nganda ku rwego rw'igihugu (Toni)	5.3	16.13 (Nta gihindutse) 10 (Hamwe n'ibyakozwe)	28.2 (Nta gihindutse) 17.5 (Hamwe n'ibyakozwe)

Ikigamijwe mu Cyerekezo 2050	Numero	Igipimo	Aho bigeze (mu 2020)	Intego y'Icyerekezo mu 2035	Intego y'Icyerekezo mu 2050
Ubuhinzi bubyara ubukire					
Ubuhinzi bugezweho kandi bugamije isoko	28	Uruhare rw'ubuhinzi ku musaruro mbumbe w'imbere mu gihugu (Ijanisha)	24 (2019)	21	16
Iterambere ry'imijyi n'imiturire igezweho					
Iterambere ry'imijyi nk'umusemburo w'izamuka ry'ubukungu	29	Abaturage baba mu mijyi (Ijanisha)	18.4 (2016/17)	52.69	70
	30	Abaturage batuye mu tujagari, begeranye cyane kandi ahataro ibikorwa remezo by'ibanze (Ijanisha)	62.6 (2016/17)	44	20
	31	Ubuso bw'ubutaka bukorerwaho icyo bwateganyirijwe ku gishushanyo Mbonera cy'Igihugu ku mikoreshereze y'Ubutaka (Km ²)	Ubuhanzi: 10,949km ² Ubutaka bwubatsweho ibikorwa remezo: 2,888 km ² Amashyamba: 7,242 km ² Ibiyaga n'imuze tubikikije : 1,637 km ² Ibishanga n'uduze tubikikije: 2,068 km ²	Ubuhanzi: 11,691km ² Ubutaka bwubatsweho ibikorwa remezo: 3,434km ² Amashyamba: 7,483 km ² Amazi n'ibishanga bibungabunzwe: 2,200 km ²	Ubuhanzi: 12,433km ² Ubutaka bwubatsweho ibikorwa remezo: 3,980km ² Amashyamba: 7,725 km ² Amazi n'ibishanga bibungabunzwe: 2,200 km ²
	32	Amazi ashobora kongera gukoreshwa aboneka ku muturage ku mwaka (m ³ /umuntu/umwaka)	670 (2015)	1,000	1,700
Imiturire myiza, igezweho kandi ihendutse	33	Ingo zo mu cyaro zituye mu midugudu yateguwe (Ijanisha)	67.2 (2016/17)	100	100
Koroshya urujya n'uruzi rw'abantu no kurushaho kunoza ubwikorezi	34	Abaturage bakoresha uburyo rusange bwo gutwara abantu (Ijanisha)	17	24	40.0

Ikigamijwe mu Cyerekezo 2050	Numero	Igipimo	Aho bigeze (mu 2020)	Intego y'Icyerekezo mu 2035	Intego y'Icyerekezo mu 2050
Gutanga no gukoresha ingufu z'amashyamba mu buryo burambye	35	Ingoro y'ingufu zisubira ugereranyije n'ibindi bikorwa bibyara ingufu (Ijanisha)	53.78	Byibura 60	Byibura 60
	36	Abaturage bafite amashyamba (Ijanisha ku baturage bose)	56	100	100
	37	Amashyamba akoreshejwe na buri muntu (Ikigereranyo cy'isano umutungo w'umuntu ugirana n'ingano y'amashyamba akoreshejwe) (Kilowati ku mwaka)	50 (2019)	1,026	3,080
Serivisi nziza n'ibikorwa remezo byiza kuri bose	38	Ingo zikoresha serivisi z'isukura zicunzwe neza (Ijanisha)	86.20 (2016/17)	100	100
	39	Ingo zikoresha amavomo meza (Ijanisha)	87.4 (2016/17)	100	100
	40	Ingo zifite amazi meza aho zituye (zigerwaho n'amazi meza yo kunywa aho zituye) (Ijanisha)	9.4 (urwego rw'igihugu) 39.2 (mu mijyi) 2.3 (mu cyaro) (2016/17)	55	99
	41	Abaturage bakoresha umurongo w'itumanaho wa murandasi (Ijanisha)	21.77 (2018)	60	88
Inzego za Leta zishoboye kandi zikora neza ibyo zishinzwe					
Serivisi zinoze	42	Serivisi za Leta zitangwa hifashishijwe ikoranabuhanga (Ijanisha)	40	100	100

Ikigamijwe mu Cyerekezo 2050	Numero	Iqipimo	Aho bigeze (mu 2020)	Intego y'icyerekezo mu 2035	Intego y'icyerekezo mu 2050
Kugabanya gushingira ku nkunga	43	Uruhare rw'amafaranga igihugu kinjiza (Imisoro n'ibindi) ugereranyije n'umugaruro mbumbe w'imbere mu gihugu (Ijanisha)	19.4 (2018/2019)	21.5	21.5
	44	Ubwizigame bw'imbere mu gihugu ugereranyije n'umugaruro mbumbe wacyo (Ijanisha)	13.2 (2019)	22.40	27.7
	45	Uruhare rw'urwego rw'imari mu musaruro mbumbe w'imbere mu gihugu (Ijanisha)	2	5.2	11.8
	46	Umutungo wose w'ikigega cy'ishoramari mu musaruro mbumbe w'imbere mu gihugu (Ijanisha)	0	320	641

Repubulika y'u Rwanda

Website: www.gov.rw



Ukuboza 2020



Repubulika y'u Rwanda